

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 106. Zakona o odgoju i obrazovanju u osnovnoj i srednjoj školi u Kantonu Sarajevo ("Službene novine Kantona Sarajevo", broj 27/24), Vlada Kantona Sarajevo, na 164. vanrednoj sjednici održanoj 08.05.2026. godine, donijela je

RJEŠENJE
O RAZRJEŠENJU DUŽNOSTI VRŠIOCA DUŽNOSTI
ČLANA ŠKOLSKOG ODBORA JAVNE USTANOVE
"ŠESTA OSNOVNA ŠKOLA"

I

Razrješava se dužnosti vršilac dužnosti člana Školskog odbora Javne ustanove "Šesta osnovna škola", i to:

- Avdić-Kadribašić Jasna - predstavnica radnika, zbog okončanja oglasne procedure.

II

Ovo rješenje stupa na snagu danom donošenja, a objavit će se u "Službenim novinama Kantona Sarajevo".

Broj 02-04-25301-4.4/26
08. maja 2026. godine
Sarajevo

Premijer
Nihad Uk, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 1. i 12. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13) i člana 106. Zakona o odgoju i obrazovanju u osnovnoj i srednjoj školi u Kantonu Sarajevo ("Službene novine Kantona Sarajevo", broj 27/24), Vlada Kantona Sarajevo, na 164. vanrednoj sjednici održanoj 08.05.2026. godine, donijela je

RJEŠENJE
O IMENOVANJU ČLANA ŠKOLSKOG ODBORA JAVNE
USTANOVE "ŠESTA OSNOVNA ŠKOLA"

I

U Školski odbor Javne ustanove "Šesta osnovna škola" imenuje se:

- Avdić - Kadribašić Jasna - članica, predstavnica radnika.

II

Mandat člana Školskog odbora iz tačke I ovog rješenja traje do kraja mandata Školskog odbora Javne ustanove "Šesta osnovna škola" imenovanog Rješenjem Vlade Kantona Sarajevo broj 02-04-17803-26.4/26 od 16.04.2026. godine.

III

Ovo rješenje stupa na snagu narednog dana od dana donošenja, a objavit će se u "Službenim novinama Kantona Sarajevo".

Broj 02-04-25301-4.5/26
08. maja 2026. godine
Sarajevo

Premijer
Nihad Uk, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 1. i 12. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13) i člana 106. Zakona o odgoju i obrazovanju u osnovnoj i srednjoj školi u Kantonu Sarajevo ("Službene novine

Kantona Sarajevo", broj 27/24), Vlada Kantona Sarajevo, na 164. vanrednoj sjednici održanoj 08.05.2026. godine, donijela je

RJEŠENJE
O IMENOVANJU ČLANA ŠKOLSKOG ODBORA JAVNE
USTANOVE "ČETVRTA OSNOVNA ŠKOLA"

I

U Školski odbor Javne ustanove "Četvrta osnovna škola" imenuje se:

- Zuletović Danijela - članica, predstavnica Općine Ilidža.

II

Mandat člana Školskog odbora iz tačke I ovog rješenja traje do kraja mandata Školskog odbora Javne ustanove "Četvrta osnovna škola" imenovanog Rješenjem Vlade Kantona Sarajevo broj 02-04-17803-25.10/26 od 16.04.2026. godine.

III

Ovo rješenje stupa na snagu danom donošenja, a objavit će se u "Službenim novinama Kantona Sarajevo".

Broj 02-04-25301-4.6/26
08. maja 2026. godine
Sarajevo

Premijer
Nihad Uk, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 1. i 12. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13) i člana 106. Zakona o odgoju i obrazovanju u osnovnoj i srednjoj školi u Kantonu Sarajevo ("Službene novine Kantona Sarajevo", broj 27/24), Vlada Kantona Sarajevo, na 164. vanrednoj sjednici održanoj 08.05.2026. godine, donijela je

RJEŠENJE
O IMENOVANJU ČLANA ŠKOLSKOG ODBORA JAVNE
USTANOVE "SEDMA OSNOVNA ŠKOLA"

I

U Školski odbor Javne ustanove "Sedma osnovna škola" imenuje se:

- Refik Dacić - član, predstavnik Općine Ilidža.

II

Mandat člana Školskog odbora iz tačke I ovog rješenja traje do kraja mandata Školskog odbora Javne ustanove "Sedma osnovna škola" imenovanog Rješenjem Vlade Kantona Sarajevo broj 02-04-17803-27.4/26 od 16.04.2026. godine.

III

Ovo rješenje stupa na snagu danom donošenja, a objavit će se u "Službenim novinama Kantona Sarajevo".

Broj 02-04-25301-4.7/26
08. maja 2026. godine
Sarajevo

Premijer
Nihad Uk, s. r.

Ministarstvo za boračka pitanja Kantona Sarajevo

Na osnovu člana 52. stav 1. tačka 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), člana 74. stav (5) Zakona o državnoj službi u Kantonu Sarajevo ("Službene novine Kantona Sarajevo", br. 31/16, 45/19 i 6/25), člana 76. Zakona o namještenicima u organima državne službe u Federaciji Bosne i Hercegovine ("Službene novine Federacije BiH", br. 49/05 i 103/21), člana 34. stav (1) Uredbe o poslovima osnovne djelatnosti iz nadležnosti organa državne službe u Kantonu Sarajevo

koje obavljaju državni službenici, uslovima za vršenje tih poslova i ostvarivanju određenih prava iz radnog odnosa ("Službene novine Kantona Sarajevo", br. 39/16, 10/17, 17/25 i 36/25), člana 41. stav (1) Uredbe o načelima za utvrđivanje unutrašnje organizacije kantonalnih, gradskih i općinskih organa uprave i upravnih organizacija ("Službene novine Kantona Sarajevo", br. 36/06, 8/12, 39/16, 13/22, 41/22 i 11/25), člana 29. stav (1) Uredbe o dopunskim poslovima osnovne djelatnosti i poslovima pomoćne djelatnosti iz nadležnosti organa državne službe koje obavljaju namještenici ("Službene novine Federacije BiH", br. 69/05, 29/06 i 65/20) i člana 18. Zakona o ministarstvima i drugim organima uprave Kantona Sarajevo ("Službene novine Kantona Sarajevo", broj 40/22), ministar za boračka pitanja Kantona Sarajevo, uz saglasnost Vlade Kantona Sarajevo, donosi

**PRAVILNIK
O IZMJENI I DOPUNAMA PRAVILNIKA O
UNUTRAŠNJOJ ORGANIZACIJI MINISTARSTVA ZA
BORAČKA PITANJA KANTONA SARAJEVO**

Član 1.

(Izmjena i dopuna člana 9.)

U Pravilniku o unutrašnjoj organizaciji Ministarstva za boračka pitanja Kantona Sarajevo, broj 06-02-34045/16 od 30.11.2016. godine, broj 06-02-26189/19 od 27.06.2019. godine, broj 06-02-38279/19 od 23.10.2019. godine, broj 06-02-11748/22 od 21.03.2022. godine i broj 06-02-29863/24 od 22.05.2024. godine, u članu 9. broj "31" zamjenjuje se brojem "33", a iza riječi: "sekretar Ministarstva," dodaju se riječi: "dva lica koja nemaju status državnog službenika,".

Član 2.

(Dopuna člana 17.)

U članu 17. u stavu (4) iza riječi: "ili visoko obrazovanje prvog, drugog i trećeg ciklusa Bolonjskog sistema studiranja" dodaju se riječi: "završen Fakultet za javnu upravu, a koji ima".

Član 3.

(Dopuna člana 31a.)

U članu 31a. u stavu (4) iza riječi: "ili visoko obrazovanje prvog, drugog i trećeg ciklusa Bolonjskog sistema studiranja" dodaju se riječi: "završen Fakultet političkih nauka smjer žurnalistika/komunikologija, a koji ima".

Član 4.

(Novi član 34a.)

Iza člana 34. dodaje se novi član 34a. koji glasi:

"Član 34a.

(Radno mjesto Savjetnik ministra)

- (1) Naziv radnog mjesta: Savjetnik ministra
- (2) Opis poslova: Obavlja poslove savjetodavnog karaktera, odnosno daje savjete i sugestije ministru koji se odnose na poslove iz djelokruga rada Ministarstva; obavlja savjetodavne i stručne poslove i izrađuje analize za potrebe ministra; priprema materijale po nalogu ministra i prati njihovo izvršenje; osigurava dokumentacione materijale i podatke; učestvuje u izradi planova i programa rada Ministarstva; učestvuje u vođenju i podržavanju aktivnosti na očuvanju tekovina odbrambeno-oslobodilačkog rata 1992-1995. godine, održavanju manifestacija i drugih sličnih projekata, učestvuje u realizaciji Kalendara za obilježavanje značajnih događaja, datuma i ličnosti 1941-1945. i 1992-1995. godine, učestvuje u aktivnostima veza-

nim za spomen obilježja, ostvaruje odgovarajuću saradnju sa organizacijama i institucijama radi utvrđivanja stavova i kreiranja, odnosno provođenja utvrđene politike ostvaruje saradnju sa kantonalnim organima, općinskim/gradskim službama, fondovima, udruženjima boraca-branitelja, fondacijama, zadrugama u cilju izvršavanja poslova i zadataka iz nadležnosti Ministarstva, obavlja i druge poslove koje mu odredi ministar i za svoj rad neposredno odgovara ministru.

- (3) U obavljanju poslova koji su u opisu ovog radnog mjesta obavezan je da primjenjuje Politiku kvaliteta Kantona Sarajevo, te prati i primjenjuje sve usvojene procedure vezane za sistem upravljanja kvalitetom prema zahtjevima standarda ISO 9001.
- (4) Za svoj rad neposredno odgovara ministru.
- (5) Uslovi za vršenje poslova: Stečena diploma visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje sa 240 ECTS studijskih bodova ili drugog ili trećeg ciklusa Bolonjskog sistema studiranja, završen pravni fakultet ili fakultet za upravu ili ekonomski fakultet ili prirodno-matematički fakultet ili kineziološki fakultet ili šumarski fakultet ili arhitektonski fakultet ili građevinski fakultet ili mašinski fakultet ili fakultet političkih nauka ili filozofski fakultet ili elektrotehnički fakultet, ili medicinski fakultet, najmanje pet godina radnog staža u struci nakon sticanja tražene stručne spreme.
- (6) Status izvršioca: Lice koje nema status državnog službenika.
- (7) Pozicija radnog mjesta: Savjetnik ministra.
- (8) Broj izvršilaca: 2 (dva)."

Član 5.

(Dopuna člana 37.)

U članu 37. iza stava (2) dodaje se novi stav (3) koji glasi: "(3) Savjetnik ministra za svoj rad i upravljanje odgovara ministru.".

Član 6.

(Novi član 42a.)

Iza člana 42. dodaje se novi član 42a. koji glasi:

"Član 42a.

(Radno-pravni status savjetnika)

Ministar rješenjem imenuje, razrješava i odlučuje o pravima i obavezama iz radnog odnosa savjetnika.".

Član 7.

(Stupanje na snagu Pravilnika)


Ovaj Pravilnik stupa na snagu danom dobijanja saglasnosti od Vlade Kantona Sarajevo, a objavit će se u "Službenim novinama Kantona Sarajevo".

Broj 06-02-14695/26
24. aprila 2026. godine
Sarajevo

Ministar
Dr.sc. **Omer Osmanović**, s. r.

Na ovaj Pravilnik Vlada Kantona Sarajevo dala je saglasnost na 127. sjednici održanoj 07.05.2026. godine, Odlukom, broj 02-04-24272-5/26 od 07.05.2026. godine, a u skladu sa članom 52. stav 1. tačka 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05).

ORGANIZACIONA ŠEMA
MINISTARSTVA ZA BORAČKA PITANJA
UKUPNO 33



Ministarstvo za rad, socijalnu politiku, raseljena lica i izbjeglice Kantona Sarajevo

Na osnovu čl. 66. st. (1) i (2) i 68. stav (3) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), čl. 32. i 34. Zakona o hraniteljstvu u Federaciji Bosne i Hercegovine ("Službene novine Federacije BiH", broj 19/17) i čl. 12., 13. stav (3), 129., 148. stav (4) i 170. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst, 38/16, 44/17, 28/18, 52/21, 40/22 i 13/25), ministrica za rad, socijalnu politiku, raseljena lica i izbjeglice Kantona Sarajevo donosi

INSTRUKCIJU

O IZNOSIMA NOVČANIH DAVANJA PO ZAKONU O SOCIJALNOJ ZAŠTITI, ZAŠTITI CIVILNIH ŽRTAVA RATA I ZAŠTITI PORODICE SA DJECOM

I - OSNOVNE ODREDBE

Član 1.

- Osnov za utvrđivanje novčanih i drugih materijalnih davanja vezano za socijalnu zaštitu i zaštitu porodice sa djecom po Zakonu o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst, 38/16, 44/17, 28/18, 52/21, 40/22 i 13/25) (u daljem tekstu: Zakon) je prosječna neto plaća ostvarena u Kantonu Sarajevo u prethodnoj 2025. godini pomnožena sa odgovarajućim koeficijentom, koja prema Odluci o visini koeficijenta za obračun prosječne neto plaće ostvarene u Kantonu Sarajevo u 2025. godini ("Službene novine Kantona Sarajevo", broj 16/26) iznosi 800,00 KM (u daljem tekstu: prosječna plaća).
- Osnovica za utvrđivanje iznosa hraniteljske naknade i naknade za izdržavanje hranjenika je prosječna neto-plaća

isplaćena u Federaciji Bosne i Hercegovine prema objavljenom podatku Federalnog zavoda za statistiku za prethodnu godinu.

- Izuzetno od stava (1) ovog člana osnov za utvrđivanje naknade umjesto plaće ženi majci u radnom odnosu, iz člana 149. st. (1) i (2) Zakona, je najniža plaća u Federaciji Bosne i Hercegovine, a koja prema Odluci o iznosu najniže plaće za 2026. godinu ("Službene novine Federacije BiH", broj 100/25) iznosi 1.027,00 KM (u daljem tekstu: najniža federalna plaća).
- Ženi-majci u radnom odnosu, koja u skladu sa Zakonom ostvari prava iz člana 148. stav (1) Zakona, može se na ime ovih prava iz sredstava Budžeta Kantona Sarajevo isplatiti ukupan novčani iznos u visini najniže utvrđene mjesečne neto plaće zaposlenih u Federaciji Bosne i Hercegovine pomnožene sa odgovarajućim koeficijentom, a koji iznosi 1.261,00 KM (u daljem tekstu: ukupan iznos).

II - SOCIJALNA ZAŠTITA

Član 2.

(1) Stalna novčana pomoć

- Iznos najnižeg primanja domaćinstva koji se smatra dovoljnim za izdržavanje jednočlanog domaćinstva je 30% prosječne neto plaće - 240,00 KM, koji se za svakog narednog člana domaćinstva uvećava za 20% ovog iznosa - 48,00 KM.
- Za domaćinstva iz člana 18. stav (2) Zakona, iznos najnižeg primanja domaćinstva koji se smatra dovoljnim za izdržavanje jednočlanog domaćinstva se uvećava za 20% ovog iznosa - 48,00 KM.
- Iznos stalne novčane pomoći za jednog člana domaćinstva iznosi 240,00 KM, a za svakog narednog člana domaćinstva se uvećava za 48,00 KM.
- Za osobe iz člana 19. stav (2) Zakona, iznos stalne novčane pomoći uvećava se za 72,00 KM.